



Da la partida a la festa èn stadas 300 furmazions.

FOTOS G. N. STGIER



In duo cun ina matta dal chantun Turgovia ed in musicant appenzelles.

# Confermà la diversidad da la musica populara

Success per la Festa federala da la musica populara

DA GION NUTEGN STGIER / ANR

■ **Che la musica populara ha cun buna raschun ses post fix en la tradiziun svizra han confermà tut ils protagonistas, ils musicants e las musicantas, l'ultima fin d'emna a Cuira. Confermà ha l'occurrènz er che la musica populara va novas vias e che quella ha dentant er gudagnà la simpatia dals giuven e quai anc co.** La Festa federala da la musica populara da la davosa fin d'emna ha carmalà bunamain 70 000 persunas en la chapitala grischuna. Contribuì il pli bier che l'occurrènz è stada in success ha segir son Peder cun sa mussar sco grond ami da la musica populara. L'aura magnifica ha natiralmain procurà per anc meglra luna tar ils radund 1300 musicants e musicantas e sa chapescha er tar ils organisaturs cun lur 850 voluntaris. En sis locals, en las giassas da la citad veglia da Cuira, sin divers plazs, sin via e sin tribunas han las furmazions cun lur produziuns attratg il gust dals aspecaturs numerus. Radund 500 concerts han las furmazions dà quels trais dis da la festa. Da las 300 furmazions eran 19% musicas grischunas che han er confermà che la musica populara tutga tar il Grischun sco per exempel il chant.

## Il giuven han dà en il tun

L'atmosfera durant ils trais dis è stada grondiusa e vegl e giuven ha giudi las

produziuns da musica. Quellas han testifigà che la musica cun orgelets, acordeons e clarinetas è pli che populara. Fatg surstar ha segir che blers giuven appartegnan a furmazions da musica populara e quai è bain in fatg plaschivel. Anc dapli surprais èn segir blers dals 70 000 visitaders stads vesend tantas persunas da la generaziun giuvna tranter il public. Confermà ha la festa dentant er che la musica populara ha fatg in svilup e che las furmazions da musica van novas vias. Quels trais dis a Cuira han ins vesì che singulas furmazions agiuteschan la cumposiziun dals instruments cun da quels che tutgan betg propi tar ina furmaziun dad ina musica populara. Quai dat dapli vita a la musica populara, dapli moviment e cunzunt er dapli schlantsch. La 11. Festa federala da la musica populara ha dentant er attestà che la diversidad da la musica populara en Svizra è enorma. I dat propi differents stils da musica e per exempel sa differenziescha la musica dad ina furmaziun grischuna ferm da quella dad ina musica appenzellesa. Gist quels aspects han ins vesì bain giوند tras las giassas da la citad veglia da Cuira. Confermà han dentant quels trais dis da festa a Cuira er che la musica populara ha ozendi er ses post en nossa societad. Tut en tut ins dastga dir che la musica populara viva uschia sco anc mai e quai er tar nus Grischuns.



Quai vala dentant er per las trais dunnas da la Valragn.



Dus sunatibas grischuns, Fluri Koch (san.) e Reto Guidon.



Da buna luna èn er quels musicants da Fruttigen BE.



Cun lur costums appenzelles han els dà a la festa la dretga nota.



Fatg musica è vegni er sin posts pli auts.



Tar ina festa da la musica populara tutgan segir er bandieras.



Er quels dus musicants fan cun plaschair musica.

Trais mattas sursilvanas che conferman che la musica populara viva er tar la generaziun giuvna: Adina Hänny, Lara Hänny e Flurina Sack (da san.).

